Orang-orang kafir Quraisy telah memutuskan bahawa Muḥammad mesti dibunuh. Yang ditugaskan untuk membunuhnya lima orang pemuda dari lima suku (kabilah) yang handal. Dengan keputusan itu direncanakan pada malam itu pekerjaan itu mesti dilakukan dengan diperhatikan oleh ketua-ketua orang Quraisy.

.....di dalam hari yang panas
terik Rasulullah kelihatan keluar
daripada rumahnya menuju ke rumah
Abū Bakr al-Siddīq. Perjalanan yang
serupa ini tidak pernah ditempuh
oleh beliau tetapi kerana mustahak
memaklumkan kepada Abū Bakr akan perintah
berhijrah perjalanan yang demikian
terpaksa ditempuh oleh baginda.
Setibanya di sana beliau memberitahu
perintah itu dan meminta Abū Bakr
supaya bersiap-siap dan menyediakan
kesiapan untuk berhijrah. Kemudian
di dalam panas yang terik itu baginda
pulang.

Setibanya di rumah lalu baginda memanggil 'Alī bin Abī Ṭālib, kemudian berpesan supaya kelak 'Alī tidur di tempat baginda dengan memakai selimut baginda. Dan berpesan pula apabila hendak keluar dari rumah bahawa beliau keluar dahulu menuju ke Gua Thūr dan meminta Abū Bakr menyusul ke sana.

Rumah baginda sudah dikepung.

Di pintu hadapan rumah itu telah
sedia lima pemuda yang tersebut
menunggu menjalankan tugas hendak
membunuh beliau. Apabila gelap sedikit
Rasulullah keluar rumah lalu
mengambil segenggam pasir terus
baginda taburkan ke kepala pemuda-pemuda
sambil beliau membaca:

Renunglah!

Yasīn Waal-qur'ānial-ḥakīn Innakalamina al-mursalīn. 'Alā şirāṭin mustaqīm.

Tanzīla al-'azīzi al-raḥīm. Li tundhira qawman mā undhira ābā'uhum fa hum ghāfilūn. Laqad ḥaqqa al-qawlu 'alā aktharihim fa hum lā yu'minūn. Innā ja'alnā fī a'nāqihim aghlālan fa hiya ilā al-adhqāni fa hum muqmaḥūn. Wa ja'alnā min bayni aydīhim saddan wa min khalfihim saddan fa aghshaynāhum fa hum lā yubṣirūn. (Sūrat Yāsīn

Ertinya: "Yāsīn. Demi Qur'an yang berhikmah. Bahawasanya engkau itu daripada orang-orang yang diutus di atas jalan yang lurus. Diturunkan (Qur'an) itu oleh Tuhan - yang Maha Mulia lagi Penyayang supaya engkau mengancam kepada orang-orang yang orang-orang tua mereka tidak diancam maka mereka sedang sama lupa. Demi sesungguhnya nyatalah firman (Tuhan) atas kebanyakan dari mereka, maka mereka tidak sama percaya. Sesungguhnya Kami (Tuhan) telah menjadikan pada leher-leher mereka belenggu, maka belenggu-belenggu itu sampai ke dagu-dagu mereka, lalu mereka tidak dapat menundukkan kepala; dan kami telah menjadikan pada muka mereka tutup dan pada belakang mereka tutup, maka kami menutup mata mereka lalu mereka tidak dapat melihat."

Demikianlah Nabi keluar dari rumah dengan tidak diketahui oleh mereka dan demikian juga kedatangan Abū Bakr ke rumah Nabi dan keluar menyusul Nabi tidak diketahui oleh mereka.
Berjalanlah kedua sahabat itu sehingga lepas tengah malam sampai di Gunung (*Jabal*)
Thūr yang di dalamnya ada sebuah gua yang kosong yang tidak pernah dimasuki orang.

Umum mengetahui pada masa itu di dalam gua itu biasa terdapat binatang-binatang liar dan buas dan kerap kali didapati ular-ular yang berbisa. Tetapi kedua-dua bersahabat itu dengan hati yang berani terus memasuki gua itu dengan bertawakal kepada Allah.

Mula-mula sahabat Abū Bakr masuk ke dalamnya sedang Nabi menunggu di luar. Yang demikian dilakukan adalah kerana cinta sahabat Abū Bakr kepada Nabi. Di dalam gua itu sahabat Abū Bakr membersihkan gua itu dengan maksud kalau-kalau ada binatang liar atau ular yang berbisa ialah yang tekena dahulu — jangan sampai Nabi yang terkena.

Diriwayatkan ketika sahabat Abū Bakr membersihkan gua itu ia mengambil batu-batu yang ada di dalam gua itu satu persatu. Caranya mengambil batu-batu itu adalah dengan lebih dahulu mengoyak pakaiannya secarik demi secarik kerana beliau khuatir yang dipegangnya dan akan dibuangnya ialah ular yang berbisa. Demikianlah hingga seluruh pakaiannya koyak-koyak.

Kemudian setelah pakaiannya habis koyak sedang di dalam gua itu ada seketul batu besar maka ditolaknya batu

Renunglah...!

itu dengan kakinya dan tiba-tiba kakinya digigit oleh ular yang kecil dengan kerasnya kerana rupanya di bawah batu itu ular berdiam. Pada saat itu ia tetap diam. Setelah selesai membersihkan tempat itu ia pun mempersilakan Nabi masuk ke dalamnya. Sesudah baginda masuk kerana penatnya lalu baginda tidur di atas pangkuan sahabatnya Abū Bakr.

Nabi tidur dengan lelapnya. Bekas gigitan ular di kaki Abū Bakr rupanya bertambah bisa dan semakin sakit. Kerana sakitnya sangat kuat hingga mengeluarkan air mata dan beberapa
titis air mata itu menitik
ke atas muka Nabi.

Dengan terkejut baginda bangun dan bertanya: "Mengapa saudara menangis wahai Abū Bakr?"

"Dari gigitan ular, ya Rasulullah" – jawab sahabat Abū Bakr.

"Mengapa saudara tidak katakan kepada aku?" tanya baginda.

Sahabat Abū Bakr menjawab:

"Saya takut membangunkan tuan."


Setelah terbit fajar Nabi memeriksa bengkaknya kaki sahabat Abū Bakr lalu baginda mengusapnya dengan tangan baginda seketika itu juga lenyaplah bengkaknya dan hilanglah sakitnya.

Kemudian Nabi melihat pakaian sahabatnya dan bertanya: "Mengapa pakaianmu?"

Sahabat Abū Bakr menceterakan halnya yang sebenar. Mendengar cerita itu baginda Rasulullah langsung berdoa kepada Allah (yang ertinya):

"Ya Allah! Jadikanlah Abū Bakr kelak di Hari Kiamat pada darjat (pangkat)ku."

Demikianlah kecintaan Saiyidina Abū Bakr al-Siddīq kepada Rasulullah (S.A.W) seorang sahabat yang mustahak diteladani oleh sekalian kaum Muslimin.



Para peserta yang menghadiri "Persidangan Para Alim Ulama Seluruh Malaysia" di Dewan Bangunan MARA pada bulan Februari 1968 yang lalu sedang hangat membahas masalah-masalah hukum, yang timbul dari kertas-kertas kerja yang dikemukakan di dalam persidangan tersebut.